

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA SREBRENİK**  
**- Općinski načelnik-**

Broj: 07-5446/15

Datum, 15. 05. 2017. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Sužbeni glasnik općine Srebrenik“, broj: 7/16), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-5446/15 od 11.05.2017. godine, u postupku javne nabavke Izrada Projekta višenamjenskog vrednovanja, korištenja i zaštite zemljišta i izrade karte upotrebne vrijednosti zemljišta u Srebreniku, je d o n i o:

**O D L U K U**  
**O IZBORU NAJPOVOLJNIJEG PONUĐAČA**

**I**

Prihvata se preporuka Komisije za javnu nabavku, broj: 07-5446/15 od 11.05.2017. godine i Ugovor za **Izradu Projekta višenamjenskog vrednovanja, korištenja i zaštite zemljišta i izrade karte upotrebne vrijednosti zemljišta**, dodjeljuje se ponuđaču **“TQM” DOO Lukavac, Institut za kvalitet, standardizaciju i ekologiju**, ponuda broj: 1-006/17 od 25.01.2017. godine, za ponudenu cijenu od **99.274,50 KM sa PDV-om** kao prihvatljivu.

**II**

Izabrani ponuđač je dužan u roku od **7 dana** od dana prijema ove odluke, dostaviti dokaze po članu 45. stav (2) Zakona o javnim nabavkama BiH.

**III**

Ova odluka objavit će se na web-stranici [www.srebrenik.ba](http://www.srebrenik.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**O B R A Z L O Ź E N J E**

Postupak javne nabavke pokrenut je Odlukom o pokretanju postupka javne nabavke broj: 07-5446/15 od 30.12.2015. godine.

Javna nabavka je sprovedena po otvorenom postupku broj: 07-5446/15 od 06.01.2017. godine.

Procijenjena vrijednost javne nabavke bez PDV-a je 99.136,00 KM.

Obavještenje o nabavci broj: 761-1-2-3-3-3/17 poslato je na objavljivanje dana 06.01.2017. godine, i 14.02.2017. godine i "Službenom glasniku BiH" broj: 3 od 13. 01. 2017. godine i broj: 11 od 17.02.2017. godine.

Komisija za javnu nabavku imenovana je Rješenjem broj: 07-5446/15 od 06.01.2017. godine i 15.02.2017. godine.

Ponude po otvorenom postupku za predmetnu nabavku su dostavili sljedeći ponuđači:

1. Univerzitet u Sarajevu, Poljoprivredno-prehrambeni fakultet Sarajevo, u iznosu od 99.136.00 KM (bez PDV-a), i sa ponudnim popustom od 6.940,00 KM, tako da ukupna cijena sa ponudnim popustom iznosi 92.196,00 KM (bez PDV-a);
2. TQM DOO Institut za kvalitet, standardizaciju i ekologiju Lukavac, u ukupnom iznosu od 84.850.00 KM (bez PDV-a).

U prvom dijelu rada Komisije, konstatovano je da su, blagovremeno, pristigle dvije pravilno zatvorene ponude. Nakon toga, Komisija je isčitala ponuđene cijene i završila prvi dio svoga rada.

Komisija za javne nabavke je sačinila Zapisnik o ocjeni ponuda od 03.04.2017. godine, u kojemu je predložila Općinskom načelniku donošenje Odluke o izboru ponude ponuđača.

Ugovorni organ je u aktu broj: 07-5446/1 od 19.04.2017. godine, uočio nepravilnosti u radu komisije i ustvrdio "da komisija nije pravilno i potpuno izvršila ocjenu kvalifikovanosti ponuđača u skladu sa kriterijima iz tenderske dokumentacije".

Komisija za javne nabavke je očitujući se o navodima Općinskog načelnika sačinila Izjašnjenje broj: 07-5446/15 od 24.04.2017. godine, u kojemu se detaljno osvrnula na sve navode ugovornog organa, i u istom ostala pri ranijem stavu i preporuci.

Ugovorni organ je ponovno u aktu broj: 07-5446/17 od 28.04.2017. godine, uz obrazloženje odbio prijedlog Komisije uz konstataciju "da komisija nije pravilno i potpuno izvršila ocjenu kvalifikovanosti ponuđača u skladu sa kriterijima iz tenderske dokumentacije".

Komisija za javne nabavke je u međuvremenu aktom broj: 07-5446/15 od 11.04.2017. godine, zatražila mišljenje od Agencije za javne nabavke BiH, u cilju preispitivanja svog postupanja u cilju otklanjanja sumnje u dostavljenu dokumentaciju.

Agencije za javne nabavke BiH Filijala Mostar je dostavila mišljenje broj: 04-02-1-1636-2/17 od 04.05.2017. godine u kojemu nije eksplicitno navedeno da komisija ima pravo u cilju otklanjanja sumnje tražiti dodatnu dokumentaciju, nego je citirala zakonske odredbe uz konstataciju "Dakle, stavak (3) članka 68. Zakona daje mogućnost da ugovorna tijela mogu tražiti pojašnjenja kvalifikacijskih dokumenata ili tražiti izvornike radi poređenja sa preslikom, u cilju otklanjanja formalnih nedostataka dostavljenih dokumenata. Pojašnjenja dokumenata ili traženje izvornika se nikako ne smiju tražiti u smislu dopune ponude određenog ponuditelja".

Imajući u vidu sve gore navedeno Komisija je stava da je ponuda ponuđača **TQM DOO Lukavac** prihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

#### **POUKA O PRAVNOM LIJEKU:**


Protiv ove odluke može se izjaviti žalba u roku od 10 (deset) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 2x,
2. Evidenciji,
3. Arhivi.



**OPĆINSKI NAČELNIK**

**Dr. sci. Nihad Omerović**